

Siunnersuummut nassuiaatit

Nassuiaatit nalinginnaasut**1. Aallarniut**

Inatsisartut 2016-imi upernaakkut ataatsimiinnerminni Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6, imm. 3.-mut allannguutissatut siunnersuummik Naalackersuisut kingusinnerpaamik UKA2017-imi saqqummiussissasut Inatsisartuni aalajangiiffigisassaq akuersissutigaat, taamaalillutik sulisitsisut avataanit sulisunik atorfinitsitsinissamut imaluunniit sulisoqarnissamut qinnuteqartut kommunip aalajangiussisimanginnerani ullut 14-it kingornatigut nammineq pisartutut akuersissummik pisarunnaassallutik.

Siunnersuutip aalajangiussineq tamanna atuutsilerpaa.

2. Siunnersuummi qulequttat pingaarnert

Siunnersuutip § 6, imm. 3 allangortippaa, taamaalilluni qinnuteqaatip tunniunnerata kingorna ullut 14-it kingornatigut aalajangiisoqarsimangippat avataanit sulisartunik atorfinitsitsinissamut akuersissut aalajangiunneqareersutut isigineqartarunnaassalluni. Paarlattuanik qinnuteqaatip tigungerata kingornatigut ullut 14-it qaangiutsinnagit kommunalbestyrelsi aalajangiissaaq, paasissutissanik annertunerusunik takussutissanilluunniit uppernarsaataasunik aalajangiinissamut pisariaqartinneqartunik kommunalbestyrelsi piunasaqarsimangippat.

Inatsimmut atuuttumut sanilliullugu inatsisissatut siunnersuut	
<i>Oqaasertat atuuttut</i>	<i>Inatsisissatut siunnersuut</i>
	§ 1
	Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersumi, Inatsisartut inatsisaat nr. 27, 9. december 2015-imeersumi, aamma Inatsisartut inatsisaat nr. 23, 28. november 2016-imeersumi allangortinneqartumi matuminnga allannguuteqartoqassaaq:

<p><i>Imm. 3. Qinnuteqartoq qinnuteqaatip tunniutereernerata kingorna ullut 14-it qaangiutsinnagit allatut nalunaarfigineqarsimanngippat, qinnuteqaat akuerineqarsimasutut isigineqassaaq, taamaattoq takuuk § 5a.</i></p>	<p>1. § 6, imm. 3, imatut oqaasertalerneqassaaq: ” Imm. 3. Imm. 1 tunngavigalugu aalajangiinerit qinnuteqaatip tiguneraniit ullut 14-it qaangiutsinnagit aalajangerneqartassapput, takuulli § 5a. Kommunalbestyrelsilli qinnuteqaatip aalajangiiffiginissaanut paasissutissat amigaateqartutut nalilerpagit, kommunalbestyrelsi qinnuteqartumut paasissutissanik imaluunniit takussutissanik uppersaatnik piumasaqarsinnaavoq. Taamaattoqartillugu aalajangiinissamut killigititaq unitsinneqassaaq, paasissutissat takussutissat uppersaataasut pisariaqartinneqartut tigunissaasa tungaanut. Tamatuma kingorna kommunalbestyrelsi ullut 14-it qaangiutsinnagit aalajangiissaaq.”</p>
	<p style="text-align: center;">§ 2</p> <p>Inatsisartut inatsisaat 1. januar 2018-imi atuutilerpoq.</p>

3. Pisortanut aningaasaqarnikkut allaffissornikkullu kingunerisinnaasat

Allannguut pisortanut immikkut ittunik kinguneqassasutut naatsorsuutigineqanngilaq. Qinnuteqarnermut piffissarititami ullut 14-it iluanni avataanit sulisartut pillugit qinnuteqaatinik kommunalbestyrelsi aamma siusinnerusukku suliaqartartussaavoq. Qinnuteqartup suliffissanut nittartakkanut ikinnerpaamik ullut 14-ini ikkussisussaanaera, kingornalu inuttassarsiuinernut taakkununga suliffissarsiortut tulluarsarneqarsinnaaneri eqqarsaatigalugu kommunip sulianik isumaginnissinnaanera ullut 14-it iluanni pisinnaasoq naatsorsuutigineqarpoq.

4. Inuussutissarsiorfimmu aningaasaqarnikkut allaffissornikkullu kingunerisinnaasat

Siunnersuut inuussutissarsiorfimmu immikkut ittunik kinguneqassasutut naatsorsuutigineqanngilaq, sulianik isumaginninnermut piffissaq aallaaviatigut sivitsorneqartariaqanngimmat. Akuersissut tunniunneqartutut isigineqarunnaassaaq ullut 14-it qaangiutsinnagit aalajangiisoqarsimanngippat, suliamik suliarinninnermi pisuni ikittuinnarni tunngaveqartumik sivitsorsaataasinnaavoq pissutsini paasissutissanik annertunerusunik pissarsiniarneq pisariaqartinneqassappat.

5. Avatangiisinut, pinngortitamut innuttaasullu peqqissusaannut kingunerisinnaasat

Siunnersuut avatangiisinut, pinngortitamut imaluunniit innuttaasut peqqissusaannut kinguneqartitsinngilaq.

6. Innuttaasunut kingunerisinnaasat

Siunnersuut innuttaasunut kinguneqassanerani naatsorsuutigineqanngilaq.

7. Kingunerisinnaasat allat pingaarutilit

Siunnersuut kingunerisinnaasanik allanik pingaarutilinnik peqanngilaq.

8. Pisortanik kattuffinnillu il.il. tusarniaaneri

Siunnersuut piffissami 12. april 2017-imit 10. maj 2017-imut tusarniaassutaasimavoq makkununga:

Sulisitsisut (Grønlands Erhverv (GE)), NUSUKA, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq aamma namminersorlutik oqartussani naalackersuisoqarfiit tamarmik.

Piffissamissaq tassani siunnersuut namminersorlutik oqartussat tusarniaanernut nittartagaanut inissinneqarsimavoq.

Tusarniaanermut akissutit ukuninga tiguneqarput: SIK, GE, Kommuneqarfik Sermersooq, KANUKOKA, Pinngortitamut Avatangiisinullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Aatsitassanut Ikummatissanullu Naalackersuisoqarfik, kiisalu Aningaasaqarnermut Akileraartarnermullu Naalackersuisoqarfik.

Tusarniaanermi akissutit tamakkiisumik Inatsisartuni ataatsimiititaliamut suliarinnittuusumut ilanngullugit nassiunneqarput.

Tullinnguuttuni, tusarniaanermi akissutit aammalu tusarniaanerup nalaani allannguutissatut siunnersuutit suliarineqarput. Tusarniaanermi akissutit kipungasunik allannillit, pingaaruteqartut nalilerneqartut naalisarlugit ilanngunneqartut oqaatigineqassaaq.

Pinngortitamut Avatangiisinullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, kiisalu Aatsitassanut Ikummatissanullu Naalackersuisoqarfik siunnersuummut oqaaseqaatissaqannginnerarput.

SIK-p siunnersuummi siunertaasut tapersorpai. SIK-p taavaa kommuni ullut 14-it qaangiutsinnagit aalajangiisimangippat qanoq pisoqartassanersoq ilanngunneqartariaqar-

toq. SIK-p siunnersuutigaa aalajangersagaq ima allanngortinneqarsinnaasoq, qinnuteqartoq qinnuteqaatip tunniunneraniit qaammatip ataatsip iluani aalajangiinermik tigusaqarsimanngikkuni, tamanna qinnuteqaammut itigartitaasimanertut isigineqartariaqartoq.

Tusarniaanermi akissuteqartunit arlalinnit kommunalbestyrelsip ullut 14-it qaangiutsinnagit aalajangiisimannginneranit kinguneqartitsisoqartarnissamut tunngasoq ugartormassuk – oqaasertaliussatut siunnersuut allanngortinneqarpoq. Aalajangersagaq ima allanngortinneqarpoq, pisariaqanngitsumik suliap suliarineqarnissaanut piffissaq sivitsorneqassanngitsoq. Imalu aalajangersarneqarluni, kommunalbestyrelsi qinnuteqaatip tiguneraniit ullut 14-it qaangiutsinnagit aalajangiussaqaassaaq, paasissutissat uppernarsaatillu takussutissallit pisariaqartinneqarnerata kinguneranik noqqaassutigineqarsimanngippata.

SIK-p siunnersuutaata malinneqannginnera peqquteqarpoq Naalakkersuisut naliliimmata, suliffeqarfii avataaniit sulisussanik qinnuteqarnaviannngimmata najugarisami sulisinnaasunik piareersimasoqartillugu. Inatsisartut inatsisaanni § 6 imm. 1 tunngavigalugu avataaniit sulisussanik akuersineq nalunaarutigineqartassaaq atorfik sulisussamik kalaallimik inuttassarsineqarsinnaanngippat. Kommuni sulisussanik sakkusanillu innersuussinissaminut periarfissaqarpoq nittartakkakkut sulisussarsiortarfikkut, kiisalu suliffissarsiortunik nalunaarsuinikkut. Taamaammat pisariaqarlunnarpoq kommunit sukkaasumik aalajangiisarnissaat suliffissarsiortoq eqqarsaatigalugu, kisiannili aamma qinnuteqartoq eqqarsaatigalugu. Akisoqarsimannginnera peqqutigalugu itigartitsinertut naliliisoqartassappat, aqqissuussinerup tamatuma aalajangiinerup Naalakkersuisunut maalaarutigisinnaanerani periarfissiissaaq. Tamatumalu kingunerisaanik Naalakkersuisut pisussaaffilerneqartussaapput suliamut paasissutissat pisariaqartinneqartut tamaasa kommunimut qinnuteqartumullu noqqaassutigisassagaat eqqortumik aalajangiisinnaajumallutik, tamannalu suliap suliarineqarneranut annertuumik sivitsorsaataassasoq ilimagineqarpoq, Naalakkersuisut sumiiffinni ataasiakkaani tamatigut pissutsit qanoq inneri, kiisalu takussutissat sulianut attuumassuteqartut kommunimisulli tigorianaallugit periarfissaqarfiginngilaat. Taamaalilluni Naalakkersuisut aalajangiinerat tunngaviusumik suliaq kukkusumik suliarineqarsimanersoq kisiat aallaavigalugu aalajangiinerusassaaq, kalaallimik sulisussarsisinnaaneq sulisussarsisinnaannginnerluunniit tunngaviginagit.

SIK-p siunnersuutigisaatut, pisortat piffissarititaasup iluani akisimannginnerat itigartitsinertut nalilerneqartassasutut ilusilersugaq, tunngaviusumik ingerlatsivinnut inatsisitigut periutsinut arlalinnut akerliusassaavoq, matumani itigartitsinerup tunngavilersorneqartussaanera (suliassat suliarineqartarnerat pillugu inatsisit §§22-23), aalajangiinerup inatsimmut innersuussutitaqartussaanera (suliassat suliarineqartarnerat pillugu inatsit § 24, kiisalu tunngavilersuut maalaarsinnaanermut ilitsersuutitaqartussaanera (suliassat suliarineqartarnerat pillugu inatsit § 25).

GE isumaqarpoq 2015-imi allannguisimanerup, nittartakkakut sulisussarsiortarnermut tunngasoq sakkuusoq pitsaasoq akimmisaarnangitsumik sulisitsisut sulisorisinnaasallu akunnerminni attaveqatigiissinnaanerannut suliamut suliarinninnermut tunngatillugu. GE isumaqanngilaq allannguutissatut siunnersuutit suliffeqarfinnut suliffissarsiortunulluunniit iluaqusiissasoq. GE-p ilanngulluguttaaq taavaa, GE-p siunnersuut peqqissaartumik piareersarneqarsimannngitsutut isumaqarfigalugu, kiisalu suliffeqarfii pisariaqartitaminnik sulisussarsinissaminnut naatsorsuutiginnissinnaanerannik tunngasumik piiaanusooq. GE-p ilanngullugu taavaa, inuussutissarsiorterup iluani suliffeqarfii Kalaallit Nunaani pisariaqartitaminnik sulisussa qaraluarunik avataaniit sulisussanik noqqaanaviannngitsut. GE isumaqanngilaq ullunut 14-inut inatsisitigut killiliusaaq takussutissiisoq kalaallinik sulisoqarnissamik salliutitsinermut akornusiisoq. GE-p taavaa ilinniartitsinissamik aaqquissuussilluni iverititsinissaq annerusumik pisariaqartinneqartoq, taamaalilluni inuussutissarsiorterup iluani sulisorisinnaasanik ilinniartitsinissamut tunngaviit pitsanngorsarneqassammata, taartinganilli siunnersuut inuussutissarsiorterup iluani suli annerusumik sulisussanik inuiaqatigiinni kivitseqataasussanik pissarsiniarnermut tunngatillugu akornusiilluni. GE isumaqarpoq siunnersuutip suliffeqarfii suliasamik suliarinninnissaannut kigaallisaataassasoq, taamaalillunilu pitsaassutsikkut aningaasartuuteqarnikkullu kinguneqarnerlutsitsissalluni. Taamaammat GE isumaqarpoq siunnersuut saqqummiunneqassannngitsoq, ullumikkullu aaqquissuussaq ingerlatiinnarneqassasoq.

Tusarniaanermut GE-mit akissutigineqartutut takuneqarsinnaavoq 2015-imi inatsisitigut sulisussarsiortuluni nittartagaq atuuttussannngortinneqarpoq. Avataaniit sulisussarsiunnginnermi piunasaqaataavoq sulisussarsiortuluni nittartakkamut sulisussarsiortoqarsimassasoq, tassani suliffissarsiortut tunuliaquttaminnik misilittakkaminnillu allaatiginninnerannik aammattaaq imaqarpoq. Nittartakkakut sulisussarsiortarfiup qulakkeerpaa kommunit sukkasuumik suliffissarsiortut sulisussarsiortullu qanoq imminnut naleqquttuunersut takusinnaassallugit. Naalakkersuisut naliliipput sulianik suliarinnittarnerup sivisussusaa ullunit 14-nit amerlanerusariaqanngitsut, pisuni ataasiakkaani taamaallaat pinnani, tassami sukkasuumik paasineqarsinnaassammata qinnuteqaat itigartitsissutigineqassanersoq imaluunniit avataaniit sulisussamik qinnuteqaat akuerineqassanersoq. Taamatuttaaq siunnersuut sulianik suliarinnittarnermut sivitsorsaataasussaannngitsoq nalilerneqarpoq.

Kommuneqarfik Sermersuup naleqquttutut isigaa suliata naammassillugit suliarinissaannut periarfissiimmat, paasissutissanik amigaateqarnermi aalajangiisimannnginnermit pissuteqartumik qinnuteqaat akuersinertut inerneqartinneqartarunnaassammata.

KANUKOKA-p paasivaa paasissutissanik katersuisoqarsimannngitsoq avataaniit sulisoqarnissamut qinnuteqaatit sumik peqquteqartumik taama ikitsigisunik

itigartitsisoqartarsimaneranik ersersitsisunik, ikittuinnarnillu itigartitsisarsimanerup peqquutigineraa kommunit ulluni 14-ini suliamut suliarinninnissaannut periarfissarititaasup sivikippallaarneratigut suliat naammassisinnaasarsimannginneraat imaluunniit ilumut najukkami sulisussanik pissarsisinnaangivissornermik peqquteqarneranik takussutissiisumik.

Ilisimasat taamaattut siunnersuutip tulluurtuuneranut nalilersuutitut iluaqutaassagaluarpur. Tunngavigineqartutut saqqummiusaaq aallaavigalugu KANUKOKA naliliivoq malunnartumik suliffeqarfuit pisariaqartitaat, kiisalu nunami suliffissaaleqinerup annikillisarnissaa pingaarnertut siunertatut isiginiarneqartoq. Taamaattumik siunnersuut KANUKOKA-p tapersorsorpaq, kisiannili oqaatigalugu naatsorsuutigalugu inatsit kommunit sulianut suliarinnittarnerannut kiisalu inuussutissarsiornerup iluani naatsorsuutiginningsamik pitsaanngitsumik kinguneqassappat inatsit suliareqqinneqassasooq.

KANUKOKA isumaqarpoq suliamik suliarinnittarnerup aalajangiivigineqarnera illersorsinnaasumik sulianik suliarinnittarnerup ataatsimut isigalugu sivilissuserisartagaannit misissuinernit tunngaveqartariaqaraluartooq. KANUKOKA-p tamanna tunngavigalugu erseqqissaatigaa sulianik suliarinnittarnerup sivilissusaa pillugu kommunit tusarniarneqarnissaat pingaaruteqartoq.

KANUKOKA-p oqaatigaa kommunit qinnuteqartumut ilisimatitsissallutik pisussaaffilerneqarsimassasut suliaq ullut 14-it iluanni naammassineqarsimangippat. Tamanna tunngavigalugu KANUKOKA-p oqaatigaa kommunit taarsiissuteqarfigineqassasut siunnersuut allaffissornikkut nanertuutinngorsimassappat.

Inatsisit allat assigalugit siunnersuut manna ataavartumik misissoqqissaarneqartussaavoq, erserpat siunertaanngitsunik pitsaanngitsunik kinguneqartitsisoq.

Eqqortuuvoq kommunit namminneerlutik pisussaaffigissagaat qinnuteqartoq ilisimatissallugu suliap suliarineqarnera ullunit 14-nit sivilissunerussappat. Naalakkersuisut Kommuneqarfik Sermersuumit (KS) taamaallaat tusarniaanermi akissutinik tigusaqarput. KS-ip akissutaata paasinarsisippaa ullunut 14-nut sulianik suliarinnittarnermut sivilissusiliusaaq amerlanerpaatigut naammattuusoq, kisiannili paasissutissanik ersarinnerusunik noqqaanermi suliap sivitsorneqarsinnaaneranut periarfissiisooq.

Taamatuttaaq Naalakkersuisut naliliippat qulaani oqaatigineqartutut ullunut 14-inut sulianik suliarinnittarnissamut piffissaliussaasooq amerlanerpaatigut naammattuusoq – kiisalu kommunit avataaniit sulisussanut tunngatillugu sulianut annertunerusunik isumalluutunik pisariaqartitsinissaat pinngitsoorneqarsinnaalluni.

Aningaasaqarnermut Akileraartarnermullu Naalakkersuisoqarfiup maluginiarpaa, eqqarsaatigineqarsinnaannginnersooq maalaaruteqarsinnaanermut periarfissamik qinnuteqartunut periarfissiisooqarnissaa, kommunit piffissarititaasumi aalajangiussaqaarsimangippata. Taamaalilluni suliffeqarfuit siunertaanngitsumik sulisussaminnik amigaateqalinnginnissaat anguniarlugu.

Siunnersuut malinneqanngilaq. Illuatigulli aalajangersagaq allanngortinneqarpoq kommunalbestyrelsi aalajangiinissamik pisussaaffilerneqarluni qinnuteqaatip tигuneraniit ullut 14-it qaangiutsinnagit, paasissutissanik ersarinnerusunik noqqaanissaq pisariaqartinneqarsimangippat.

Qulaani taaneqartutut kommunalbestyrelsip sulisussarsiuussisarfik akisussaaffigaa, kiisalu avataaniit sulisussanik akuersissuteqarnissamut nalunaaruteqartarneq. Kommuniip kommunimi suliffissarsiortut nalunaarsortussaavai, suliffissarsiortullu tunuliaqutatik misilittakkatillu sulisussarsiortuluni nittartakkamut ikkussuutissavaat. Taamaalillunissaq kommunit tamakkiisumik suliffissarsiortut malinnaaffigisinnaavaat aammalu sukkasuumik sulisussarsiortut suliffissarsiortullu naleqqussarsinnaallugit.

Naalackersuisut kommunisulli paasissutissanik aalleriaannaanngillat. Taamaalillunilu pissutsit atuuttut tunngavigalugit kommunisulli sukkatigisumik aalajangiisinnaanatik, sulilunniit aallarniutitut aalajangiisoqarsimatinnagu.

Siunnersuutigineqartutut ilusilerlugu ingerlatsineq sullissinernut sivitsorsaataassasutut naatsorsuutigisariaqarpoq, Naalackersuisut allamik periarfissaqaratik suliaq kommuninut aalajangiivigeqqullugu utertittariaqartassammassuk. SIK-mit siunnersuutigineqartutut aalajangiisoqarsimanginneranik maalaaruteqarsinnaanermut periarfissaq taamatuttaaq pisortat suliffeqarfii pillugit ingerlatsinernut inatsisit tunngavigalugit unioqutinneqarsinnaanerat eqqarsarnartoqartinneqarpoq.

Ilanngulluguttaaq oqaatigineqassaaq kommunalbestyrelsit inatsisartut inatsisaasa atuutsitsinerat ingerlatsinerallu pillugit Naalackersuisut nakkutilliisussaataammata. Kommunalbestyrelsip aalajangersakkat eqquutsissimangippagit Naalackersuisut uparuaasinnaapput, pissutsilli qanoq inneri aallaavigalugit suliaq kommuninut nakkutilliisoqarfimmut tunniunneqarsinnaalluni.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersakkap nalunaarutigaa avataaniit sulisussamik qinnuteqaatip tiguneraniit ullut 14-it qaangiutsinnagit aalajangiisoqassasoq. Tamanna kommunalbestyrelsimut pisussaaffiliivoq qulakkeerinnissalluni suliap suliarineqarnera sukkasuumik ingerlanneqassasoq, qaqutiguinnarlu suliamik suliarinnittarneq ullunit 14-init sivilsinerusinnaalluni. Sulianik suliarinninneq ullunit 14-init sivilsinerusinnaavoq paasissutissanik ersarinnerusunik pisariaqartitsineq pissutigalugu, imaluunniit paasissutissat takussutissaasut, matumani suliffissaq sulisussarsiorluni nittartakkakut saqqummiunneqarsimanersoq, qinnuteqartoqarsimanersoq imaluunniit piginnaasassatut piumasaqaatit ersarissarneqarsimanersut.

Aalajangersagaq kommunit aqunneqarnerat pillugu inatsisartut inatsisaata ataanut inissinneqarpoq.

§ 2-mut

Inatsisartut inatsisaata 1. januar 2018 atuutilernissaa siunnersuutigineqarpoq.